

(<https://news.usm.my>)

Berita Mutakhir ▾

20 KASUTRA MARTABATKAN SUKAN TRADISIONAL FEB



USM, PULAU PINANG, 18 Februari 2017 - Anak-anak muda berperanan penting untuk mengembalikan sukan tradisional yang kian ditelan zaman.

Karnival Sukan Tradisional (KASUTRA) anjuran Persatuan Seni Silat Cekak Malaysia Universiti Sains Malaysia (PSSCMUSM) yang menyediakan pelbagai jenis permainan tradisional Melayu yang berlangsung hari ini adalah antara yang terpuji yang perlu disokong.

Menurut pelajar tahun dua Sains Fizik, Iffah Zalikha Roslan, apabila menyertai karnival yang menyediakan pelbagai permainan tradisional ini, beliau dapat mengenali sukan-sukan tradisi yang selama ini tidak pernah diketahuinya.



Pelajar komunikasi tahun 2 Adam Rosli sangat gembira apabila dapat melibatkan diri dalam karnival ini kerana dapat mengenali rakan-rakan baru dari universiti luar di samping mendekati permainan tradisi yang menyeronokkan.

"Malangnya, karnival ini hanya dianjurkan oleh satu persatuan sahaja. Tentunya lebih menarik jika karnival sukan tradisional seperti ini dapat dilaksanakan oleh persatuan-persatuan lain di dalam USM supaya dapat dikenali dan disertai oleh ramai pelajar," kata Adam.



Tenaga pengajar seni silat cekak dari Balik Pulau Rosli Mohamed Yusoff pula berbangga apabila dapat mengajak anak didik beliau datang dan menyertai aktiviti-aktiviti di dalam karnival ini.

"Pada zaman teknologi ini, kebanyakan generasi muda banyak menggunakan gajet seperti telefon bimbit dan komputer riba, oleh itu, adalah penting untuk memartabatkan sukan tradisi yang kian dilupakan ini.

"Generasi muda banyak yang tidak berminat dengan seni budaya tradisional sedangkan suatu ketika dahulu, kita dikenali dengan budaya-budaya tradisi ini," kata beliau.





Timbalan Naib Canselor (Hal Ehwal Pembangunan Pelajar dan Alumni), Profesor Dato' Dr. Adnan Hussein mewakili Naib Canselor USM, Profesor Datuk Dr. Asma Ismail di dalam ucapannya berharap supaya sukan tradisional dapat dipopularkan kembali dalam bentuk yang lebih menarik supaya dapat menarik perhatian dan minat generasi muda.

Teks: Rodiah Binti Md Daud (Pelajar internship PP, Komunikasi, USM)

G+

Share This

Pusat Media dan Perhubungan Awam / Media and Public Relations Centre

Level 1, Building E42, Chancellery II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

Client Feedback / Comments (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015